

Фанга бириктириш маълумотларини шакллантириш

Талабаларни фанларга бириктириш

Бутун ўқиш давомида талабаларнинг фанлардан ўзлаштиришларини қайд қилиб бориш учун ҳар бир семестрда талабаларни ўқув режанинг жорий семестрдаги фанларига бириктириб бориш зарур. Талабаларни фанларга бириктириш ҳар бир семестр бошланишидан олдин бир марта амалга оширилади.

Талабаларни фанларга бириктириш учун **О'қув Jarayoni / Fanga biriktirish** менюси танланади ва шундан сўнг талабаларни фанларига бириктириш ойнаси очилади (1-расм).

The screenshot shows the 'Fanga biriktirish' (Assign to subjects) interface. On the left is a sidebar with navigation items: Xodimlar, Talabalar, Talaba harakati, O'quv jarayoni, O'quv reja, Semestrlar, Fanlar blokari, Fanga biriktirish (selected), Dars jadvali, Nazorat jadvali, and Imtihonlar ro'yxati. The main area is titled 'Asosiy / Fanga biriktirish'. It contains two filter sections: 'Guruhdagi talabalar' with dropdowns for 'O'quv rejani tanlang', 'Semestri tanlang', 'O'quv yilini tanlang', and 'Guruhni tanlang'; and 'O'quv rejadagi fanlar' with a table header 'Fanlar', 'Fan turi', and 'Guruhda'. The table is currently empty with the message 'Xech narsa topilmadi'. There are 'OK' buttons at the bottom right of both filter sections.

1-расм. Талабаларни фанларга бириктириш ойнаси

Ушбу ойнанинг **Guruhdagi talabalar** қисмида жойлашган қуйидаги майдонларга тегишли маълумотлар киритилади (2-расм), бунда:

- **О'қув rejani tanlang:** талабалар таҳсил олаётган мос ўқув режа танланади;
- **О'қув yilini tanlang:** талабалар таҳсил олаётган мос ўқув йили танланади;
- **Semestri tanlang:** талабалар таҳсил олаётган мос ўқув семестри танланади;
- **Guruhni tanlang:** талабаларнинг мос академик гуруҳи танланади;


Келтирилган майдонларнинг тегишли маълумотлари киритилгандан сўнг ойнада танланган гуруҳдаги талабалар рўйхати ва ўқув режанинг танланган семестридаги фанлари рўйхати пайдо бўлади.

Талабалар рўйхатидан фанларга бириктирилиши керак бўлган талабалар танланади, бунинг учун талаба фамилияси олдидаги катакка танлаш белгиси қўйилади (2-расм).

Талабга қараб гуруҳдаги талабаларнинг барчасини биргаликда танлаш ёки айрим талабаларни алоҳида танлаб ҳам фанларга бириктириш мумкин. Талабаларнинг барчасини биргаликда танлаш учун **Talaba** номли талабалар рўйхати устуни сарлавҳаси олдидаги катакка танлаш белгиси ўрнатилади ва шундан сўнг рўйхатдаги барча талабалар танланади.


Ойнининг **О'quv rejadagi fanlar** қисмидан талабалар бириктирилиши керак бўлган фанлар танланади, бунинг учун фан номи олдидаги катакка танлаш белгиси қўйилади (2-расм). Талабга қараб, талабаларни барча фанларга биргаликда бириктириш ёки алоҳида фанларни танлаб ҳам бириктириш мумкин.

Талабалар учун мажбурий тоифадаги фанларнинг барчаси бириктирилиши зарур. Танлов тоифасидаги фанлар гуруҳидан эса исталган битта фан танланиши мумкин. Танлов фанлари гуруҳи алоҳида ранглар билан ажратилган. Тизим фақатгина танлов фанлар гуруҳидаги фанларнинг биттасини танлашга рухсат беради.



2-расм. Талабаларни фанларга бириктириш ойнаси

Ойнадаги барча ишлар бажариб бўлингандан сўнг **OK** кнопкасини босиш орқали танланган талабалар танланган фанларга бириктирилади ва ойнанинг **Fanga ro'yxatdan o'tkazilgan talabalar** қисмида тегишли маълумотлар пайдо бўлади (3-расм).



3-расм. Талаба фанларга бириктирилганлик ҳолати

Бунда **Fanlarni tanlang** филтри ёрдамида танланган фанлар кесимида унга бириктирилган талабалар рўйхатини кўриш мумкин.

Бириктирилган фанни ўчириш

Агар талаба фанга нотўғри бириктирилган ҳолатлар аниқланадиган бўлса у ҳолда талаба фанларга бириктирилганлик ҳолати ойнасида келтирилган фанга бириктирилган талабалар рўйхатининг охириги устунида келтирилган **O'chirish** (корзина) белгисини босиш орқали тегишли талабанинг фанга бириктирилган маълумотини ўчириш мумкин. Шундан сўнг зарурат бўладиган бўлса худди юқорида келтирилган тартибда талабани қайтадан бошқа фанга бириктириш мумкин.

Мухим! Талабаларнинг фанларга бириктириш маълумотларидан дарс жадвалини тузишда ҳамда фанларнинг ўқув ресурслари ва топшириқларини шакллантиришда фойдаланилади. Агар ушбу маълумотлар шакллантирилиб бўлинган бўлса у ҳолда талабанинг фанларга бириктириш маълумотларини ўзгартириш ёки ўчириш тақиқланади.